

黃氏逸書考

海東先生集

陸嘉

陸嘉仕吳稍至屯衛校尉既名族有德行書鈔

陸機

陸機爲郎中令吳王晏出鎮淮南以機有文學遷尙書中兵郎轉殿中郎書鈔六十陳補

機與吳王晏表曰禪文本草今見在中書一

字一迹自可分別

文選陸士衡謝平原內史表注

陸士衡以文學爲秘書監虞濬所請爲著作

郎議晉書限斷

書鈔五十七

初學記十二

御覽二百三十四

陸機以文學轉中書

書鈔五十七

陸機字士衡吳郡人也少爲牙門將軍吳平

太傅楊駿辟機爲祭酒轉太子洗馬後成都

王穎以機爲司馬叅大將軍軍事遂爲穎所

害臨刑年四十有三

文選嘆逝賦注

成都王穎討長沙王乂使陸爲都督前鋒諸

軍事

世說尤悔篇注

陸雲

陸雲字士龍少與兄機齊名號曰二陸爲吳王郎中令出宰浚儀有惠政機被收並收雲文選陸上龍大將軍宴會被命作詩注

夏侯威

夏侯威字季權荆兗二州刺史文選潘安仁夏侯常侍誄注

楊肇

楊肇碑曰肇字季初滎陽人封東武伯薨諡曰戴文選潘安仁楊荊州誄注

潘岳

潘岳字安仁清辯能屬文早辟賈充府太子
舍人初爲河陽令以仕次宜爲郎不得意時
僕射山濤領選岳內非之密作謠曰閣道東
有大牛王濟鞅裴楷鞅和嶠刺促不得休御覽
四百六十五又七百七十六引山濤爲尚書
有人題曰閣中有大牛王濟鞅裴楷鞅和嶠
謁鞅不敢休又八百九十六引潘岳出爲河
陽令以下同四百六十五無僕射二字
說政事篇注引初濤領吏部潘岳內非之以
下同御覽四百六十五書鈔六十六引潘
岳字安仁神形清辯能屬文爲太子舍人

潘岳爲楊駿府主簿駿被誅曰岳取急署人

朱振代夷三族

文選西征賦注

岳父文德爲琅邪太守孫秀爲小吏給使岳

數蹴蹋秀而不以人遇之也

世說仇讎篇注
文選潘安仁

金谷集作詩注引岳數蹴蹋秀作岳於秀

潘岳善屬文哀誄之妙古今莫比一時所推

書鈔一百三

岳母寒以數戒焉

文選閒居賦注

岳兄御史釋弟燕令豹

同上

張載

張載字孟陽隨父牧在蜀作劔閣銘刺史張

敏表之天子命刻石於劔閣

御覽五百九十
寰宇記劔南

東道劔州劔門縣引無字孟陽三字牧作牧
誤刺史上有益州二字張敏下有見其文三
字表之作乃表無命字劔閣下有馬字

張載才通經史能作晉書

書鈔五十七

張亢

張載弟前烏程令亢蔡邕注明堂月令中台
要解又綴諸說厯數而爲厯贊荀崧見贊異

之云信該羅脉表義矣

藝文卷五 御覽十
六 蔡邕上有依字荀

松上有秘書監三字

江統

江統字應元以文義著名爲國子博士

書鈔
六十

七
愍懷太子頗好遊宴洗馬江統等諫曰宜諮
詢保傅引見賓客悉得自盡有增博見益多
聞御覽四百五十三

江統爲廷尉正作正刑論

書鈔五十五

江統爲黃門郎作朝會儀 書鈔五十八

孫楚

石苞泰始之初拜大司馬舊參軍於都督無敬故孫楚抗衡於苞苞以楚傲更相表裏參軍有敬自楚始也 藝文四十七

滕修

吳後置廣州以南陽滕修爲刺史或語修蝦長一丈修不信其人後故至東海取蝦鬚長四五尺封以示脩脩乃服 御覽九百四十三北戶錄卷二

滕脩南陽人也爲廣州牧脩在海南積年爲
邊夷所附卒請葬京師帝嘉其意賜墓田一
頃

御覽五百五十七

馬隆

馬隆字孝興東平人也少有智勇寒門無仕
路兗州刺史令狐愚坐事死舉州無敢送喪
者唯隆以武吏託稱家客殯送喪葬槨柏三
年禮畢乃還舉州皆慙

御覽五百五十四

馬隆爲武威太守之郡惡虜窟局樹機能等

斷道圍隆隆作八陣圖地廣則鹿角車營並
進狹則木屋施輪並戰並前智謀從橫出其
不意以磁石累夾道側賊鎧不得過隆兵著
牛皮鎧得過賊以爲神御覽三百五十五又
州惡虜斷道隆作八陣圖車營並進狹則木
屋施輪並前智謀縱橫出其不意故能成功
又三百三十七引馬隆爲武威太守之郡作
八陣圖地廣則鹿角車營並進狹則木屋抱
輪並戰並前虜弗能逼又九百八十八引馬
隆擊涼州以磁石累道側賊負鐵鎧不得過
以爲神

馬咸

馬隆子咸爲成都王前鋒統陸機攷長沙王
又於石橋將士器仗嚴利長沙王所統官軍
司馬王瑚率眾討咸咸堅不動瑚乃使數十
騎下馬縛戟於馬鞍頭放令向咸又使數十
騎各刺所放馬馬驚奔咸軍軍卽壞瑚因馳

逐猛戰臨陣斬咸

御覽二百八十六又八百九十五引無統陸機至嚴

利十七字官軍作冠軍

瑚作胡又一百二十

四引馬咸爲成都王

前鋒與陸機同起兵討

長沙王軍司馬王

胡率眾討咸於市馬咸牢

不動胡乃領數十騎

下馬持戟刺咸咸馬驚

奔潰遂敗

書鈔一百十六引馬隆子馬咸

爲成都王前鋒王

胡率眾討咸於市咸軍牢

王隱晉書
不可動胡乃使數千騎與戰縛載於馬頭以
向咸又使數十騎各持兵隨於後馬驚奔咸
咸遂敗事類賦二十一引長沙王司馬王
湖與成都王前鋒馬咸戰湖以數十馬縛戟
於鞍自後刺之馬驚奔咸軍敗之

馬敦

贈馬敦詔曰今追贈牙門將軍印綬祠以少
牢文選潘安仁馬汧督誄注

胡奮

武帝封楊后父鎮軍楊駿爲臨晉侯后母太
原龐爲安昌鄉君太學生王銓曰侯稱臨晉

後必制國也駿漸驕傲胡奮語駿卿恃女更
豪耶人與天家婚未有不滅門者早晚事耳
駿曰卿女復不在天家耶奮曰我女與卿女
作婢何能增損御覽一百九十九又一百四
十四引咸寧二年立皇后楊
氏封父駿為臨晉侯駿漸驕慢以下同無早
晚事耳四字又四百九十引楊駿驕傲以下
同一百四十四

武帝詔曰射聲校尉胡奮外掌方任內參九
列不宜同之常例勿使入直御覽二百四十
二書鈔六十
一引射聲校尉內參九列不宜同之常例

武帝伐吳以胡奮爲平南將軍

御覽二百三十九

吾彥

吾彥字世則吳郡人有文武材幹長八尺餘

膂力如虎

御覽三百八十六

吾彥給役陸抗欲拔之患眾不聽乃悉請當爲將者入坐以試勇怯有一狂人拔刀跳梁來向坐中餘者皆走唯彥獨坐舉几禦之狂人乃退眾服其勇

御覽七百三十九

趙胤

趙誘爲杜曾所害誘子胤斬曾食其肝肉御覽
四百八十一

周處

周處字子隱爲御史中丞奏征虜將軍石崇
大將軍梁王彤等正繩直筆權豪震肅初學記

二 書鈔六十二陳補

周處字子隱吳興人朝廷以處忠烈欲遣討
氏乃拜建威將軍文選潘安仁關中詩注又
馬汧督誅注引朝廷以周
處忠烈至末